

Rapport digl administratur 2019

En miu tschunavel rapport relatel sur da mias activitats sco administratur dall' entira pleiv. Igl ei puspei stau in onn cun extr'ordinaria bia lavur.

a) Casa pervenda Trun

Uonn havein alzau ils panels dil scaldament da suleg in tec pli ad ault, pertgei cura ei deva neiv nova semplunava la neiv, aschia ch'ins stueva adina puspei better ora la neiv suenter mintga nevada.. Ultra da quei eis ei vegniu fatg pintgas reparaturas en casa.

b) Schlans

Plinavon lessel era engraziar als gidonters dalla calustra che han fatg si e demontau la stalla da Nadal. Dunna Renata Pfister ha bien quitau dalla caplutta da Nossadunna dalla Neiv. Ella schubregia ed ornescha quella cura ei vegn fatg diever dalla caplutta. Cordial dieus paghi. A Schlans essan vid regular ina eventuala affittaziun dalla tegia da cuolm, quei drova denton pazienza e temps. Laporta baselgia essan vid renovar, vein stui trer vitier Andreas Egger, „Tgira da monuments dal Grischun“ ,(buca astgau far sco nus quintavan) Il scaldament vein stui midar ora il comander, aschia sa era la calustra scaldar cun siu aiphon.

c) Casa pervenda Zignau

La corporaziun d'aua Trun ha sanau il conduct dallas lingias d'aua e sinquei vein stui metter en in niev sclusader ed in lingia nova en casa pervenda.

d) Beneficiat Nossadunna dalla Glisch

Nus havein gl'atun stuiu constatar ch'il stuors vid ina part dil tetg dalla baselgia hagi en ruosnas ed ei daghira stelas. Ulteriuramein ei la part chei construida en tievlas d'eternit plansiu da remplazzar. Aschia spetga nus in project da sanaziun pli gronda.

e) Beins

Uonn ein negins contract d'affittaziun da praus curdai. Cunquei ch'il contract d'affittaziun per la tegia s. Martin ei sin la fin da dezember 2019 curdaus, havein scret ora per affittar da niev per ina perioda da 10 onns.

Novs affitaders ein fam. Olivia e Daniel Pfister-Tgetgel.

f) General

Ussa hai gleiti catalisau tut ils objects ed ils praus dallas differentas fundaziuns. Jeu hai ussa ina buna documentaziun e registau la facultad dallas fundaziuns. Aschia ei ina buna survesta dils beins stabels avon maun. Ins sa nua tgei ei.

Jeu engraziel cordialmein als ugaus capluttas per lur buna lavur sco era a tuts quels che han susteniu mei duront gl'entir onn ora

Trun, mars 2020

igl administratur:

Benedetg Albin